

REFERAT MIA - Meeqqanut, Ilaqutariinnut Atuartitaanermullu Ataatsimiititaq d. 11-04-2024

Mødedato Torsdag d. 11. april 2024 kl. 14:00

Mødested Kommunalbestyrelsesip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Meeqqanut Ilaqutariinnullu Politikkimik nutaamik pilersitsinissamut suliap ingerlanneqarnissaanut	6
Kulusumi Alivarpimmi 2023-mi nakkutilliineq pillugu ilisimatitsissut.....	8
Tasiilami Alivarpimi pillugu nakkutilliinermi nalunaarussiaq 2023.....	12
Atuarfik Hans Lyngemut (AHL) nakkutilliartornermi nalunaarussiaq 2023.....	16
Nuussuup Atuarfia pillugu nakkutilliineq 2023.....	19
Tasiilami atuartut angerlarsimaffiat pillugu nakkutilliinermi nalunaarussiaq 2023.....	22
Meeqqanut Ilaqutariinnut Atuarfeqarnermullu Ataatsimiititami suleriaasissaq.....	26
Tamalaat.....	29
Imaqarniliap akuerineqarnera.....	30

Punkt .: Saqqaa

Ilaasortat:

Poul Petersen (D)
Naya Sophia Pedersen Lyberth (IA)
Charlotte Ludvigsen (IA)
Laura Taunâjik Uitsatikitseq (S)
Dines Mikaelen (S)

Beslutning

Ataatsimeeqataasut:

Poul Petersen (D)
Naya Sophia Pedersen Lyberth (IA)
Charlotte Ludvigsen (IA)

Attaveqaatitigut peqataavoq:

Laura Taunâjik Uitsatikitseq (S)

Ataatsimeeqataasinnaanatik nalunaartut:

Dines Mikaelen (S)

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Meeqqanut Atuarfeqarnermullu Ingerlatsivimmit nalunaarutit

- HBSC-mik misissuineq kommunimi atuarfinni tamani ingerlanneqareerpoq. HBSC-mik misissuineq meeqqanik atuartunik misissuineruvoq, tamannalu ukiut sisamakkaarlugit pisarpoq. Atuarfinni ataasiakkaani atugarissaarnek pitsaanerulersinniarlugu atuarfiit aamma peqqinnissamut pitsaaliuinerumullu siunnersortit suliniutinik aallartitsinissaminnut angusat atortarpaat.
- Atuarfeqarnermut immikkoortortaarfik aamma atuarfimmi pisortat Danmarkimut isumassarsiorlutik angalapput, tassanilu ilikkagaqarnissaq pillugu isumasioqatigiinnermi peqataallutillu ilaatigut immikkut ittumik atuarfinnik aamma atuarfissuarnut pulaarput.
- Siulittaasoq atuarfiup siulersuisuini siulittaasut ataatsimeeqateqarpoq. Tassani ukkatarineqartussat assigiinngitsut oqaluuserineqarput. Ataatsimiittarnerit akulikitsumik ingerlanneqartarnissaat kiisalu ataatsimiititat illoqarfinni assigiinngitsunut angalagaangata ataatsimiittarnerit illoqarfinni ingerlanneqartarnissaat siulittaasup kissaatigaa.

Meeqqanut Ilaqutariinnullu Ingerlatsivimmit nalunaarutit

- Stabcheffi Bruno Heilmann, immikkut ittumik siunnersorti Gustav Petersen aamma AC-fuldmægtigi Janusiya Makendrarajah apriilip aallaqqaataani 2024-mi atorfinitsinneqarput.
- PSA-mi (Ilaqutariinnut angajoqqaarsiat pillugit immikkoortortaq) atorfinnik pingasunik pilersitsisoqarpoq, ilaqutariinnut angajoqqaarsianut sullissisoq ataaseq, isumaginninnermut siunnersortit marluk
- MI-mi pisortaqtigiit Danmarkimi kommuninut marlunnut angalassapput, KL-imi isumaginninneq pillugu isumasioqatigiinnermut peqataassapput aamma ingerlatseqatigiiffiit pillugit aqutsisoqarfimmi ulluni marlunni pikkorissarnermut peqataassapput, taakkulu Komponentimit innersuussutaapput.

Punkt 1: Meeqqanut Ilaqutariinnullu Politikkimik nutaamik pilersitsinissamut suliap ingerlanneqarnissaanut pilersaarut

Beslutning

Ilisimatitsissut tusaatissatut tiguneqarpoq.

Bilag

Meeqqanut Ilaqutariinnullu Politikkim nutarternissaata ingerlanneqarnissaanut pilersaarut



Meeqqanut Ilaqutariinnullu Politikkimik nutaamik pilersitsinissamut suliap ingerlanneqarnissaanut pilersaarut

Ilisimatitsissut

SagsID.: EMN-2020-30334

Meeqqanut Ilaqutariinnullu Ingerlatsivik – pisortaq Frederik Lundblad / FREL

Inassuteqaat

Meeqqanut Ilaqutariinnullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigineqarpoq:

- ilisimatitsissut tusaatissatut figuneqassasoq

Suliassamik saqqummiussineq

Meeqqanut ilaqutariinnullu atugarliortunut politikki 2020-miit 2024-mut atuuttoq. Kommunalbestyrelsimiit ulloq 21. Novemberi 2023 kissaatigineqarpoq nutarterneqassasoq. FN-ip Meeqqat Pisinnaatitaaffii pillugit isumaqatigiissutaa tunngavigineqarpoq, tassani allassimammata meeraq pillugu aalajangiinerit tamarmik meeqqap ajunnginnerpaamik pineqarnissaa tunngavigalugu aalajangiinerusassasut. Meeqqat tamarmik assigiinngitsuummata, matumani pingaaruteqarluinnartuuvoq, suliniutit tassungarpiaq sammitinneqarnissaat. Meeqqat ilaqutariillu tamarmik pitsaasumik inuuneqalernissaat Kommuneqarfik Sermersuumiit pingaartinneqarpoq.

Ingerlanissami pilersaarutit malillugit assigiinngitsunik suliaqartut, suliffeqarfiit kattuffiillu suliamut attuumassuteqartut sinniisuutitaqartillugit assigiinngitsunik sulialinnik suleqatigiissitaliortoqassaaq suliallu ingerlanneqarnerani siammasissumik akuutitsineq piginnittuunerlu qulakkeerneqarlutik.

Suliap ingerlanissaanut pilersaarut ilanngussatut kakkiunneqarpoq, ilaatigullu Kommuneqarfik Sermersuumi meeqqat ilaqutariillu pillugit paasissutissanik katersuisoqartussaavoq, politikkarlu nutaaq pillugu anguniagassat eqqarsaatigalugit suleqatigiissitanik aamma Kommunalbestyrelsimik misissueqqissaarineq, workshopertitsineq immikkullu ittumik sammisaqartitsinerit.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Inatsisartut meeqqat tapersorsorneqarnissaannut inatsisaat nr. 20, 26. juni 2017-imeersoq

Ilanngussat

1. Meeqqanut Ilaqutariinnullu Politikkip nutarternissaata ingerlanneqarnissaanut pilersaarut

Punkt 2: Kulusumi Alivarpimmi 2023-mi nakkutilliineq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Kulusumi Alivarpimmi Nakkutilliinermi nalunaarussiaq 2023

Kulusumi Alivarpimmi 2023-mi nakkutillineq pillugu ilisimatitsissut

Ilisimatitsissut

SagsID.: EMN-2023-04609

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Ilaqutariinnut Atuarfeqarnermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut ilisimatitsissutitut ingerlateqqinneqassasoq

Suliasamik saqqummiussineq

Atuarfik pillugu Inatsisartut inatsisissaattut siunnersuut nr. 15, 3. decembari 2012-imeersumi § 43 naapertorlugu Kommunalbestyrelsi ataavartumik atuarfiit ingerlanneqarnerannik nakkutilliisussaataavoq. Septembarip arfineq-pingajuanni 2023-mi Atuarfeqarnermut immikkoortortamit Kulusumi Alivarpimmut siumut ilimasaarutigeriikkamik nakkutilliartortoqarpoq.

Nakkutilliinerup nalaani Kulusumi Alivarpimmi 42-nik atuortoqarpoq meeqqallu atuortussaataasut tamarmik atuortuullutik. Atuortut 1.–9. klassimi atuarsinnaapput atuarfillu nalinginnaasunik tallimanik ataatsimoortitanik immikkullu ittumik atuortitsiffiusartumik ataatsimik klasseqarluni. Atuarfimmi ilinniartitsisut aqutsisullu piffissaq tamakkerlugu sulisartut qulinut amerlassusiligaapput. Atuarfiup aqutsisoqarfia ataatsimik skoleinspektøreqarpoq.

Nakkutilliinermi nalunaarusiamiit immikkoortut pingaarnerit ilai ataani allaqqasut oqaluuserisassami atuarneqarsinnaapput.

Pingaarnertut naliliineq

Nakkutilliineq tunngavigalugu naliliineq tamaat isigalugu atuarfik ingerlalluartut nalilernerqarpoq, atuarfimmi aqutsineq peqataatitsilluni patajaallunilu ersarissuusoq, tamanna atuortut atugarissaarnerannut toqqissisimanerannullu pitsaasumik sunniuteqarluni.

Atuortitsissutini angusat

Atuarfik nuna tamakkerlugu alloriarnerni misilitsinnerni peqataasarpoq. Ukiumi atuarfiusumi 2022/23-mi ukiut pingajuanni atuortut sisamat ukiullu arfineq-aappaanni atuortoq ataaseq misilitsinnerni peqataapput. 3. klassini alloriarnermi misilitsinnerni inernerit nuna tamakkerlugu matematikkimi inernerit eqqaassanngikkaanni agguaqatigiissinnerinut appasinnerulaarput. Aqutsisunit misilitsinnerit ineneri eqqummaariffigineqarput inernerillu malillugit pitsanngorsarneqarnissaannut suliniuteqartoqarneq isumagalugu.

2023-mi soraarummeernermi kalaallisut allattariarsornermi, qallunaatut allattariarsornermi aamma matematikkimi piginnaasanik misilitsinnermi angusat nuna tamakkerlugu agguaqatigiissinnerini qaffasinnerupput.

Nalunaaquttap akunnerinik atuineq

Atuarfik pillugu Inatsisartut inatsisissaattut siunnersuut nr. 15, 3. december 2012-imeersumi § 7 imm. 2 naapertorlugu ukiumi atuarfiusumi 2022/23-mi atuartut atuartitaaneranni piffissaq atuartitsinermi akunnerit ikinnerpaaffissaannik piumasaqaat atuarfimmit malinneqanngilaq. Taamaalilluni ukiut arferngani arfineq-aappaannilu atuartut sapaatip akunneranut lektionit atuartitsiffiusut marluk amigaatigivaat ukiullu tallimassaani qulingiluassaanilu atuartut sapaatip akunneranut lektioni atuartitsiffiusoq ataaseq amigaatigalugu. Ukiuni atuarfiusuni allani atuartut atuartitsinermi akunnerit ikinnerpaaffissaat malippaat. Atuarfimmi klassi immikkut ittumik atuartitsiffiusoq arfineq-marlunnik atuartulik nalunaaquttap akunneri 750-it atuartitsinissamut tunineqarsimavoq, tassa sapaatip akunneranut lektionit 25-t missaat.

Atuarfik piumaffigineqarpoq lektionit atuartitsiffissat amigaatigineqartut ukioqatigiiaanut taakkununga sisamanut ilanngunneqassasut. Tamanna malinnaaffigineqarumaarpoq.

Atuartut

Atuarfik torersuutitsinissamut malittarisassaqaarpoq, klassillu tamarmik ingerlaavartumik ataatsimoorussamik klassimi naleqartitat pillugit suliaqartarput.

Atuartut ukiumut marloriarlutik nalilersornerinut atatillugu nalilersueriaaseq ANGUSAKKA atorineqartarpoq.

Atuartut atuanngitsoortarneri ullut tamaasa protokolinit nalunaarsorneqartarput. Atuarfimmi atuanngitsoortarnej nalinginnaasumik annertunngilaq. Atuartumik atuanngitsookulasooqarpat, klasselæneri angajoqqaanut attaviginnittarpoq.

Atuarfik atuartut siunnersuisoqatigeeqarpoq. Atuartut siunnersuisoqatigiivinit saaffigisartakkap atuartut siunnersuisoqatigiivinit ikiuuttassasoq nukittorsaassasorlu innersuussutigineqarpoq .

Sulisut

Ilinniartitsisut semesterimut ukiumullu pilersaarutinik suliaqartarput. Ilinniartitsisunit ilinniartitsisutut ilinniarsimasunit timelærerinillu atuartitsineq ingerlanneqartarpoq aamma ilinniartitsisut ilinniarsimasut sapinngisamik linjefagiminni atuartitsisarput. Atuarfik ilinniartitsisumik/atuartitsisumik ataatsimik amigaateqarpoq.

Atuarfimmi timelærerit atuartitsinermit pilersaarusingerineq, ingerlatsineq nalilersuinerlu pillugit ullut marluk pikkorissarnermi peqataasimapput. Taava aamma iPad atorlugu atuartitsinissamut piginnaasaminnik ineriartortitsinermit pikkorissarnermi peqataasimallutik.

Angajoqqaanik suleqateqarneq

Nalinginnaasumik angajoqqaat qanimut suleqatigineqarluarput. Ukiut tamaasa atuarfiup angerlarsimaffiullu akornanni pinngitsooratik oqaloqatigiinnissat marluk ingerlanneqartarput, tassani klasselæneri, fagini ilinniartitsisut, atuortoq angajoqqaallu peqataasarput. Ukioq atuarfiusooq aallartikkaangat ukiumoortumik angajoqqaat ataatsimiitinneqartarput, ilaatigut skiima atuanngiffegarnissamullu pilersaarut agguanneqartarlutik.

Atuarfiup siulersuisui

Atuarfik ingerlalluurtunik atuarfimmi siulersuisooqarpoq qaammatillu tamaasa ataatsimiittarlutik.



Illuutitigut sinaakkutit

Atuarfimmi init ataatsimut isigalugit pitsaasuupput, atuarfillu torersuuvoq eqqiluillunilu. Isumannaallisaanikkut initigullu atugassarititat eqqarsaatigalugit fysikkimi sananermilu atortut/sakkut ilisivimmut parnaarlugit inissinneqartarput, isumannaallisaanermullu iliuitsit malippaat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Ilanngussat

1. Kulusumi Alivarpimmi nakkutilliinermi nalunaarusiaq 2023

Punkt 3: Tasiilami Alivarpi pillugu nakkutilliinermi nalunaarusiaq 2023

Beslutning

Ilisimatitsissut tusaatissatut tiguneqarpoq.

Bilag

Tasiilami Alivarpi pillugu nakkutilliinermi nalunaarusiaq



Tasiilami Alivarpi pillugu nakkutilliinermi nalunaarussiaq 2023

Ilisimatitsissut

SagsID.: EMN-2023-04341

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Atuarfik pillugu Natsisartut inatsisissaattut siunnersuut nr. 15, 3. decembari 2012 § 43 naapertorlugu Kommunalbestyrelse ataavartumik atuariit ingerlanneqarnerannik nakkutilliisussaataavoq. Aggustip ulluisa 31-anni 2023-mi Atuarfeqarnermut immikkoortortamiit Tasiilap Alivarpiani siumut ilimasaarutigeriikkamik nakkutilliartortoqarpoq.

Pingaarnertut sulianik naliliineq nakkutilliineq tunngavigalugu pivoq, tassalu atuarfik atortuulu pitsaasuusut atuartut atuarnerisa nalaanni pitsaasunik atugassaqartitsisut. Atuarfiup aqutsisuata atuarfik ingerlalluarpaa. Ilinniartitsisut atorfiit pingajorarterutai timelærerinik inuttaqartinneqarput. Taamaattumik timelærerit pikkorissarneqarnissaat annerusumik pingaartinneqarpoq, Tasiilami najugaqartuummata ukiorpassuarnilu atuarfimmi sulillutik.

Nakkutilliinermi nalunaarusiamiit immikkoortut pingaarnertit ilaat tulluuttumi saqqummiunneqarput.

Atuartitsissutini angusat

Alloriarfimmi misilitsinnerit trinikkuutaartumik inernerit tamanut saqqummiunneqaraangata atuarfik ataatsimut malitseqartitsinernut aalajangersimasunik ileqqoqanngilaq. Taarsiullugu ilinniartitsisut ataasiakkaat aalajangiisuusarput. Taamaattumik atuarfiup aqutsisuata, inernerit systemimi pitsaannerusumik malitseqartinneqartarnissaat kissaatigivaa. Atuarfimmi aqutsisunit nassuerutigineqarpoq, trinikkuutaartumik misilitsinnerit inaarutaasumillu misilitsinnerit inernerit appasippallaartut. Uani misilitsinnermi oqaatsit eqqumaffigineqassapput, misilitsinnerillu unammillernarsinnaapput, atuartut tunumiusut oqaaseqarmata misilitsissutigineqartullu kitaamiusoortuullutik. Inaarutaasumik misilitsinnernut tunngatillugu, 10. klassini atuartut tamarmik ilinniarsimasunik ilinniartitsisoqartinneqarnissaat anguniarneqartarpoq. Atuarfimmi ilinniartitsisut taarsaannerat atuartut misilitsittarnerinut misilitsinnemilu angusanut ajortumik sunniteqarpoq.

Nalunaaquttap akunnerinik atuneq

Atuarfiup ilinniartitsinissamat akunnerit tunniunneqartut killiliussat iluini atorpai. Atuarfimmi nukarliit tuluttoornermik sulii neqeroorfigineqanngillat. Tassunga atuartut oqaatsinik pingasunik peqareernerat tunngavigineqarpoq, tunumiusut, kitaamiusut qallunaatullu. Atuarfinnut immikkoortoqarfimmit erseqqissarneqarpoq nukarliit tuluttut ilinniartinneqassasut.

Naasunnguaq atuarfimmi suliniutaavoq, immikkut akunnernik atugassinneqarsimasoq. Suliniut atuarfiup eqqarsaatigeqqissavaa.



Atuartut naliliiffigineqarneri

Ilinniartitsisunit atuartunut Angusakka ukiumut marloriarlugit immersorneqartarput, kingornatigullu atuartut angajoqqaavilu kisimiitsillugit oqaloqatigineqartarput. Tamatuma saniatigut klassikkuutaarlugit angajoqqaat ataatsimeeqatigineqartarput. Atuarfiup angajoqqaanut quppersagaq aamma atortarpaa taannalu angajoqqaanut tamanut tunniussuunneqartarpoq. Ukiumut pilersaarutit aamma ilikkagassatut anguniakkat atuartunut angajoqqaanullu erseqqissuunissaat atuarfimmi piumasaqaataasimannigilaq. Skoleintra atorneratigut siunertarineqarpoq angajoqqaat meeqqamik atuarnerinik paasisimasaqarnerulernissaat.

Atuartut atuanngitsoortarnerat

Atuartut atuariatortarnerat allatorneqartarpoq, taakkulu aamma Skoleintra-mut nalunaarneqartarput. Atuanngitsookulasorpat, atuarfik attaveqarfiit ataatsimiinnissaannut aggersaasarpoq. Atuarfimmili aqutsisunit paasineqarpoq ilinniartitsisunit tamanit atuartut atunngitsuukulasut eqqumaffigineqarsimannigitsut, taamaattumillu tamanna iluarsiviginiarlugu pingaartinneqarpoq.

Ilinniartitsisut sulinngitsoortarnerat

Atuarfimmi aqutsisunit nalilernerqarpoq ilinniartitsisut sulinngitsoortarnerat qaffasippallaartoq, tamannalu appartinniarlugu suliniuteqartoqartoq. Atuarfimmi aqutsisunit kinguneqartitsisarnermut iliuuseqartarnermullu ilitersuutit HR-imiit piniarneqarput. Atuarfeqarnermut immikkoortoqarfiup innersuussutigivaa aqutsisut atorfinitsitsisarnermut inatsisinik pikkorissartinneqassasut. Ilinniartitsisut sulinngitsoortarnerisa qaffasinnerujussuata aamma kingunerivaa sulisut pikkorissartinniarneqartarnerisa ajornakusoortarnera, ilinniartitsisut pikkorissarnerini taartissaqartinniarneqartarnerat ajornakusoortarmat. Taamaattumik Atuarfeqarnermut immikkoortoqarfiup innersuussutigivaa, skemaliorneq eqaannerussasoq, ilinniartitsisut pikkorissarneq pissutigalugu pilersaarutaasumik peqassannigikkaangata.

Atuartut siunnersuisoqatigiivi

Atuartut siunnersuisoqatigiivi ukiup atuarfiusup siuliani ingerlanneqarsimannigilaq. Atuarfeqarnermut immikkoortoqarfiup erseqqissarpaa, atuartut siunnersuisoqatigiivi aallarteqqinneqassasoq.

Illumi atugassaritinnegartut

Atuarfiup sannaa pitsaasuvoq. Faginut inini atortorissaarutit pitsaapput aamma atuarfik paarilluagaavoq. Atuarfiup silataani pinnguartarfeqarpoq, kisianni atuartorpassuit ataatsikkut silamiikkaangata, silamiinnermi sammisassaqartitsiviit ikipput.

Allat

Naak atuarfimmi aqutissiuussisut 10. klassimi atuartunik tamanik ataasiakkaaralutik, angajoqqaavinillu, meeqqat atuarfiat naammassigunikku pilersaarutaat pillugit oqaloqateqartaraluartut, atuartut meeqqat atuarfiata kingornatigut suniarnersut nalunaarsorneqarneq ajorput. Tamanna atuarfiup aqutsisuisa arajutsisimannigilaat.

Nerisaqarneq pillugu aqqqissuussami nerisassanik tunniussisarneq ajornartorsiutigineqarsimavoq, tassani atuarfimmi atuartunut tamanut nerisassat naammattuaannarsimannigmata.

Nakkutilliisoqarnerata nalaani atuarfimmi psykologimik isumaginninnermiluunniit siunnersortimik atorfeqartoqannigilaq. Taakkuninnga atorfinitsitsiniarneq ajornakusuinnassappat, Atuarfeqarnermut Immikkoortoqarfiup innersuussutigivaa taarsiullugu oqaloqatiginnittartussamik atorfinitsitsisoqassasoq.



Atuarfiup aqutsisuinut angajoqqaaniit atuartuniillu naammagittaalliutigineqartartut amerlanerpaat oqaasiinnakkut apuunneqartarput oqaatsitigullu iluarsineqartarlutik. Atuarfeqarnermut Immikkoortoqarfimmit innersuussutaavoq, tamakku siunissami allakkatigut pisassasut allakkatigullu suliarineqarlutik. Atuartunut pissaaneq atorneqarsimappat imaluunniit sulinermi ajoqusertoqarsimappat nalunaarsuisoqartassaaq. Ilanngullugu atuarfiup isumannaallisaasuini ataatsimiinnerit imaqarniliorneqartassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Ilanngussat

1. Tasiilami Alivarpi pillugu nakkutilliinermit nalunaarussiaq 2023

Punkt 4: Atuarfik Hans Lyngemut (AHL) nakkutilliarturnermit nalunaarusiaq 2023

Beslutning

Ilisimatitsissut tusaatissatut tiguneqarpoq.

Bilag

Atuarfik Hans Lyngemi nakkutilliarturnermit nalunaarusiaq 2023



Atuarfik Hans Lyngemut (AHL) nakkutilliarternit nalunaarussiaq 2023

Ilisimatitsissut

SagsID.: EMN-2023-04581

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

Atuarfik pillugu Natsisartut inatsisaattut siunnersuut nr. 15, 3. december 2012-imeersumi § 43 naapertorlugu Kommunalbestyrelsi pisussaavoq atuarfeqarfiit ingerlanneqarnerannik nakkutilliissasoq. Atuarfeqarnermut immikkoortortaq ilimasaarutigineqareersumik ulloq 6. november 2023 AHL-imut nakkutilliarternit.

Nakkutilliarternit suliatigut ataatsimut nalilerneqarpoq, AHL atuarfiusoq pilerigineqarluartoq, atuartullu amerlassusaat ukiut tamaasa amerliartorlutik. Tamatuma kingunerivaa init atuartitsiviusartut amigalernerat.

Piffissami sivitsulersumi atuarfimmi sulisussanik atorfinitsitsiniarnerup ajornartorsiutaanera pillugu arlalinnit naammagittaalliuutit tiguneqartarput taamaattumillu Sullivimmi Avatangiisit pillugit (APV) nalilersuinerit atuarfimmi aallartinneqarput.

Atuartsissutini angusat

Pitsaassutsimik nalunaarusiami kingullerpaami takuneqarsinnaavoq, 3. aamma 7. klassini alloriarfinni misilitsinnerni inernerit nunatta sinnerani inernerit agguaqatigiissinnerannut sanilliunnerat qaffasinnerusoq. Atuarfimmit anguniarneqarpoq kalaallisut angusat pitsanngorsaaviginissaat, aammalu sapinngisamik ilinniartitsisunik ilinniartitsissummi tassani linjefag-ilinnik ilinniartitsisoqarnissaa. Aammattaaq ukiumi atuarfiusumi matumani pitsaassutsimik ineriartortitsisartumik atorfinitsitsisoqarsimavoq, taannalu ilinniartitsissutinik qaffassaaqataassaaq.

Nalunaaquttap akunnerinik atuineq

Atuarfeqarnermut inatsit naapertorlugu atuarfimmit nalunaaquttap akunnerinik atuineq minnerpaaffianiitinneqarpoq.

Atuartsut naliliiffigineqarnerat

Ilinniartitsisunit ANGUSAKKA immersorneqartarpoq Tea Tabulex atorlugu, aamma aqqissuussaartarput atuartsut angajoqqaaminnut angusaminnik takutitsisinnaallutik. Atuarfiup angerlarsimaffiullu akornanni oqaloqatigiittussaataanerit ingerlanneqartarputaaq. Maannakkorpiaq periuseq, taaneqartartoq "Taksinto", atuutilersinniarlugu sulissutigineqarpoq, tassani atuartsut namminneerlutik anguniakkaminnik atuarnerminnilu killiffimminnik naliliisinnaallutik.

Atuartsut atuanngitsoortarnerat

Pitsaassutsimut nalunaarussiaq 2023 malillugu atuartsut atuanngitsoortarneri agguaqatigiissillugit 14,27%-iuvoq. Atuartsut atuanngitsoortarneri imaluunniit atuarumangippat, angerlarsimaffik aamma/imaluunniit ilinniartitsisut siunnersuisartut suleqatigiillutik atuartsut peqanngittarnera



annikillisarniarlugu suliniuteqartarput. Angerlarsimaffimmik suleqateqarneq pitsaanerpaajungippat, inunnik isumaginninnermik ingerlatsivimmut nalunaarutiginnittoqartarpoq.

Ilinniartitsisut sulinngitsoortarnerat

Pitsaassutsimik nalunaarusiami 2023-meersumi ilinniartitsisut sulinngitsoortarnerat, sivisuumik napparsimanermik nalunaarutit ilanngullugit agguaqatigiissillugu 10,5%-iuvoq. Ilinniartitsisoq peqanngippallaaraangat, pineqartoq peqannginneq- isumassuineq pillugit oqaloqatigiinnissamut aggeqquneqartarpoq sulinngitsoortarneranut suna pissutaanersoq paasiumallugu. Tamatuma kingorna peqatigiilluni ajornartorsiut pitsaanerpaamik aaqqiiviginiarneqartarpoq. Kingornalu peqannginneq- isumassuineq pillugit oqaloqatiginninneq malitseqartinniarlugu oqaloqatigiittoqartarpoq.

Atuartut siunnersuisoqatigiivi

Atuarfimmi atuartut siunnersuisoqatigiivi ingerlalluarput, atuarfimmilu arlalitsigut iliuuseqarnerit ingerlanneqarnikuupput. Tamakkua ilagaat anitsiartarnerit sivilunerusut.

Illumi atugassaritneqartut

Atuarfimmi atuartut amerlassusissaat eqqarsaatigalugu atuartut amerlavallaarput, tamannalu ininik atuartitsiviusunik amigaateqarnermik kinguneqarpoq. Tamannattaaq atortorissaarutit annertuumik nungullarnerannik kinguneqarpoq.

Allat

Atuarfimmi siulersuisut 2023-mi maajimili amerlassusaat tamakkiisuunngilaq. Oktobarimi 2023 atuarfiup siulersuisuinik qinersisoqarpoq, amerlassusaat tamakkerlutik.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Ilanngussat

1. Atuarfik Hans Lyngemi nakkutilliarternormit nalunaarusiaq 2023

Punkt 5: Nuussuup Atuarfia pillugu nakkutilliineq 2023

Beslutning

Ilisimatitsissut tusaatissatut tiguneqarpoq.

Bilag

Nuussuup Atuarfianut nakkutilliiartornermit nalunaarusiaq 2023



ilinniartisisullu sulinnngitsuukulavallaartut peqqissuseq pillugu imaluunniit atorfirmut tunngatillugu oqaloqatigineqartarput.

Atuartut siunnersuisoqatigiivi

Ukiunut ataasiarluni atuartut siunnersuisoqatigiivinit qinersisitsisoqartarpoq Oqartussaaqataanermik ulloqartitsinermi. Klassit tamarmik atuartut siunnersuisoqatigiivinit sinniisuutitaqarput. Atuartut siunnersuisoqatigiivi ulluinnarni susoqarnera atuarfimmilu avatangiisitik eqqummaariffigeqqissaartarpaat. Atuartut siunnersuisoqatigiivinit atuarfimmi siulersuisunut akuttunngitsumik innersuussutinik apuussisoqartarpoq.

Allat

Atuarfimmit kissaatigineqarpoq, Ulloq naallugu atuarfirmut innersuusseriaaseq pitsaanerulersinneqassasoq, atuartut Ulloq naallugu atuarfirmut ullumikkut innersuunneqartartut assigiinngitsunik pisariaqartitsisarlutillu assigiinngittarnermik. Peqatigitillugu kissaatigineqarpoq, Ulloq naallugu atuarfik Nuussuup Atuarfianiit avissaartillugu atuarfittut immikkoortinneqassasoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Atuarfik pillugu Inatsisartut inatsisissaattut siunnersuut nr. 15, 3. december 2012-imeersoq

Ilanngussat

1. Nuussuup Atuarfianut nakkutilliarternormit nalunaarussiaq 2023

Punkt 6: Tasiilami atuartut angerlarsimaffiat pillugu nakkutilliinermi nalunaarusiaq 2023

Beslutning

Ilisimatitsissut tusaatissatut tiguneqarpoq.

Bilag

Tasiilami atuartut angerlarsimaffiat pillugu nakkutilliinermi nalunaarusiaq 2023



Tasiilami atuartut angerlarsimaffiat pillugu nakkutilliinermi nalunaarusiaq 2023

Ilisimatitsissut

SagsID.: EMN-2023-05019

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut, Ilaqutariinnut Atuarfeqarnermullu Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Atuariartortunut atuartut angerlarsimaffianniititsisarneq pillugu Namminersorlutik Oqartussat nalunaarutaanni § 26 naapertorlugu Kommunalbestyrelse kommunimi atuartut angerlarsimaffiannik nalinginnaasumik aamma perorsaannermut tunngasunik nakkutilliisussaavoq. Meeqqanut Atuarfeqarnermullu Ingerlatsivimmi Atuarfeqarnermut immikkoortortaq 2023-mi septembarip ulluisa 23-anni Tasiilami meeqqat angerlarsimaffianni ilimasaaruteqareernikkut nakkutilliisoqarpoq.

Tasiilami atuartut angerlarsimaffiat atuartunut 40-nut inissaqarpoq, nunaqarfinniillu Sermiligaamiit, Kuummiiniit, Kulusummiit, Isertumiit aamma Tiilerilaamiit atuartunik Tasiilami Alivarpimmi 9. aamma 10. klassimi atuartussanik najugaqartitsisarlu. Piffissami nakkutilliartorerup nalaani atuartut 20-t atuartut angerlarsimaffianniippu.

Atuartut angerlarsimaffianni aqutsisoq tullersortaalu nutaapajaajugaluarlutik Namminersorlutik Oqartussat atuartut angerlarsimaffiat pillugu nalunaarutaat malillugu suleqatigiilluartut, tamaat isigalugu naliliisoqarpoq. Atuartut sunngiffimmi sammisaqarnissaminnut periarfissaqarput, kissaatigisartillu malillugu ineeqqami kisimiillutik ineqateqarlutilluunniit najugaqarsinnaallutik.

Sulisut amerlanerit ilinniarsimasuunnginnerat unammilligassaqartitsivoq, tamannalu isumaqarpoq, ataavartumik piginnaanngorsartarnissaat aamma/imaluunniit pikkorissartarnissaat pisariaqartoq. Atuartut angerlarsimaffiannut Kommunip immikkoortumut pilersaarutaata atuutilersinnissaa aallartisaleruttoq.

Ataani nakkutilliinermi nalunaarusiap imaanik naatsumik saqqummiussisoqassaaq.

Ilinniakkerineq aamma perorsaannikkut sammisassat

Ilinniakkerinermi ikiorneqarnissaq pillugu neqerooruteqarpoq. Assigiinngitsunik ataatsimut sammisassaqartarpoq, soorlu qiortanerit, nerrivimmi arsaarernerit, nallukattarnerit, tammoorerit kiisalu nipilersorneq. Atuartut angerlarsimaffiat illoqarfiup timersortarfianit piffissalernerneqarnikuuvoq, tassani atuartut sulisullu timersuutininik assigiinngitsunik timersoqatigiissinnaallutik, atuartullu ilaat aamma sunngiffimmini timersortartuupput. Ukiuoorutimik atuartunut aallaarsimaartitsisoqartarpoq, aammalu assigiinngitsunik angalaarnissanik aaqquissuussisoqartarluni. Atuartunut aamma assigiinngitsunik immikkut ittumik sammisassaqartitsisoqartarpoq assersuutigalugu naartunaveersaatit kiisalu aanngajaarniutit pillugit immikkut ittumik sammisaqartitsisoqarnikuuvoq.



Illup iluani pisussaaffiit

Atuartut pisussaaffeqarput namminneerlutillu atisatik errortussaavaat ineeqqaminnillu ininilu ataatsimoorfiusuni eqqiaasussaallutik. Nerisarfimmi nerisoqartarnera aammalu nerisassat avataanit nerisassiarineqartarneri pissutigalugu atuartut nerisassioqataasinnaanerat periarfissaanngilaq.

Angajoqqaanik suleqateqarneq

Atuartut angerlarsimaffianni aqutsisoq nunaqarfinnut tamanut ukiut tamaasa angalasarpoq atuariatortussat angajoqqaavilu piareersarnissaat pillugit naapinniarlugit. Tassani atuartup najugaqarnermini naatsorsuutigisinnaasai erseqqissarneqartarput. Angajoqqaat atuarfiup angerlarsimaffiullu akornanni oqaloqatigiinnermut ANGUSAKKA-nullu atatilugu peqataatinneqartarput. Angajoqqaat aamma nalunaarfigineqartarput atuartoq illumi ileqqussatullu malittarisassanik unioqquitsisimatillugu.

Siunnersorteqarneq

Atuartut angerlarsimaffianni inersimasut marluk atuartunut attaveqaataasarput/siunnersortaasarput. Siunnersortit atuartut angajoqqaavi sapaatip akunnikkaartumik oqarasuaatikkut attaveqarfigisarpaat, aammalu meeqqap najugaqarnera, atuarnera ulluinnaalu pillugit ilisimatitsisarlutik. Siunnersortit aamma atuarfiup angajoqqaallu akornanni attaveqaatitut atuuqput.

Najugaqartut siunnersuisooqatigiivi

Najugaqartut siunnersuisooqatigiivi nakkutilliinerup nalaani atuutinngillat, kisianni taakkua ataatsimiinnerannut attaveqaataasinnaasunik ingerlatsisinnaasunillu sulisunik marlunnik nassaarniartoqarpoq. Atuarfeqarnermut immikkoortortaqarfimmit sukaterisoqarpoq atuartut angerlarsimaffianni najugaqartut siunnersuisooqatigeeqassasut piumasarineqarluni.

Kaasarfimmiussat

Atuartut kortimik aningaasanik tigusissuteqarunik ullut 14-ikkaarlugit 150 koruuninik kaasarfimmiussarsisarput. Atuartut pingasut kaasarfimmiussarsineq ajorput angajoqqaavisa kortimik aningaasanik tigusissutissaannik peqarnissaat isumagisimangimmassuk. Atuarfeqarnermut immikkoortortaq taamaattumik innersuussivoq, meeqqanut taakkununnga pingasunut kortimik aningaasanik tigusissummik pilersitsisoqarnissaa siuneralugu angajoqqaat eqqaasinneqassasut, siunissamilu angajoqqaat atuartut angerlarsimaffianni najugaqartitsinissamut qinnuteqaasiornerminni ilutigalugu kortimik aningaasanik tigusissummik pilersitsinissamut immersuisassasut.

Angerlamut angalaneq aamma piareersaataasumik najugaqarneq

Atuartut juullimi aasaanerani atuanngifteqarnermi nunaqarfimminut angerlartinneqartarput, kiisalu assersuutigalugu ukiaanerani poorskimiluunniit atuanngifteqarnermi angerlartoqarsinnaasarloq, angajoqqaat akiliineritigut. Pilersaarutaavoq, atuartut ukiumi atuarfiusumi 2024/2025-mi aallartittussat atuarnerup aallartinnginnerani atuartut angerlarsimaffiannukassasut piareersaatigalugu najugaqarlutik.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatillit

- Atuariartortunut atuartut angerlarsimaffianiititsisarneq pillugu Namminersorlutik Oqartussat nalunaarutaat

Ilannussat

1. Tasiilami atuartut angerlarsimaffiat pillugu nakkutilliinermiit nalunaarussiaq 2023

Punkt 7: Meeqqanut Ilaqutariinnut Atuarfeqarnermullu Ataatsimiititami suleriaasissaq

Beslutning

Inassuteqaat akuersissutigineqarpoq.

Bilag

Meeqqanut Ilaqutariinnut Atuarfeqarnermullu Ataatsimiititami suleriaasissatut siunnersuut

Meeqqanut Ilaqutariinnut Atuarfeqarnermullu Ataatsimiititami suleriaasissaq

Aalajangiiffigisassaq

SagsID: EMN-2024-01081

Suliffeqarfimmut Kiffartuussivik – Kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Meeqqanut Ilaqutariinnut Atuarfeqarnermullu Ataatsimiititamut inassuteqaatigineqarpoq:

- suleriaasissaq akuersissutigineqassasoq

Suliassamik saqqummiussineq

Kommunit aqunneqarnerat pillugu inatsit nr. 29, 17. november 2017-imeersumi § 28 imm. 2 naapertorlugu, tulliuuttuni aqutsinermut inatsimmi taaneqartumi, ataatsimiititaliat ataavartut sulinerminni suleriaasissatut maleruagassartik namminneq aalajangersartarpaat.

Suliffeqarnermut Kiffartuussivimmit Meeqqanut Ilaqutariinnut Atuarfeqarnermullu Ataatsimiititami suleriaasissatut siunnersuut matumuuna saqqummiunneqarpoq. Suleriaasissatut siunnersuut aqutsinermut inatsit kiisalu Kommuneqarfik Sermersuumut aqutsinermut ileqqoreqqusaq naapertorlugit suliarineqarpoq.

Meeqqanut Ilaqutariinnut Atuarfeqarnermullu Ataatsimiititami suleriaasissap ataatsimiititami ataatsimiititaq qanoq ataatsimiittassanersoq aalajangersassavaa imalu imaqaassalluni:

- Ataatsimiititap sulinera
- Ataatsimiititap siulittaasua aamma siulittaasuata tullia
- Ataatsimiititaliap ataatsimiittarnissai
- Oqaluuserisassat suliallu saqqummiunneqarneri
- Kommunalbestyrelsimut ilaasortat oqaluuserisassanngortitsisinnaatitaanerat
- Aalajangiisinnatitaaneq, ataatsimiinnermik aqutsineq suliallu saqqummiunneqartarnerat
- Aalajangernerit pillugit imaqarniliaq
- Nipangiussisussaataitaaneq
- Ataatsimiititap aalajangernerinik suliaqarneq piginnaatitaaffinnillu agguaassineq
- Suleriaasissami allannguutit
- Atuutilersitsineq

Pisortaqatigiit Allatseqarfiata ataatsimiititami suleriaasissatut siunnersuut suliaraa.

Suleriaasissami allannguutissatut siunnersuutit pingaarnertut tassaanerupput:

- Immikkut ittumik ataatsimiittarnissanut piffissaliussanik ersarissaaneq
- Ataatsimeeqataasinnaanginnermut aamma sinniisussamik aggersaanissamut periusissiamik ersarissaaneq
- Kommunalbestyrelsimi ilaasortat oqaluuserisassanngortitsisarnerannut tunngasunik periusissianik ersarissaaneq
- Aalajangiinernut imaqarniliat elektroniskimik atsiorneqartarneri
- Ikinerussuteqartutut oqaaseqaateqarsinnaatitaaneranut tunngatillugu periusissiamik ersarissaaneq
- Sulianik oqaluuserisassanngortitsineq

Meeqqanut Ilaqtariinnut Atuarfeqarnermullu Ataatsimiititap suleriaasissani akuersissutigippagu, apriliip ulluisa 11-ani 2024-mi atulersinneqassaaq.

Suleriaasissaq akuersissutigineqariapat atsiorneqarlunilu, Naalakkersuisunut nassiunneqassaaq, aqutsineq pillugu inatsimmi § 1, imm. 4 naapertorlugu.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. Meeqqanut Ilaqtariinnut Atuarfeqarnermullu Ataatsimiititami suleriaasissatut siunnersuut

Punkt .: Tamalaat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14.59